

## Script of Evening Gojri News Bulletin 02 August 2024 at 1700

Hrs

ایوننگ گو جری نیوز بلیٹن مورخہ 02 اگست 2024

\*\*\*\*\*

یوہ آکا شوانی جموں بے محبوب سلطانی تے غلام سرورتیں خبر سنو۔ پہلاں خاص خاص خبر۔

\*\*\*\*\*

- \* 1۔ صدر جمہوریہ درویدی مرمو نے اج راشٹر پتی بھون مانہ گو رنراں غی 2 روزہ کانفرنس غو افتتاح کیو بے۔
- \* 2۔ وزیر اعظم نریندر مو دی پلک نوی دہلی مانہ 32 ویں بین القوامی ذرعی معیشت آلی کانفرنس غو افتتاح کریں گا۔
- \* 3۔ چیف سیکریٹری اتل ڈولو نے قومی شاہراہ غی مجموعی انتظامی لمیٹڈ سنگ میٹنگ کر غے پروت مالہ غے تحت چل رہیا بکھ بکھ پروجیکٹاں غو جائز ليو۔
- \* 4۔ تے اسٹیٹ ٹیکس غی ایڈیشنل کمشنر نمریتا ڈوگرہ نے اج ٹیکس دہندگان نانہ جعلی یاہ اک تیں متا قیو آر کوڈ استعمال کر غے فروخت نانہ دبان غو مظاہرو کرن دھوکے بازار تیں خریدار کیو بے۔

\*\*\*\*\*

خبریں غی تفصیل نال پہلاں غلام سرور۔

### Prez Governor Confernce

صدر جمہوریہ درویدی مرمو غی صدارت مانہ گو رنراں غی 2 روزہ کانفرنس اج تون راشٹر پتی بھون مانہ شروع ہو گئی بے۔ یاہ گو رنراں غی پہلی کانفرنس بے جس غی صدارت صدر جمہوریہ درویدی مرمو کر رہی ہیں۔ اس میٹنگ مانہ تمام ریاستاں غا گو رنراں تون علا وہ نائب صدر جمہوریہ جگدیپ دھنکر، وزیر اعظم نریندر مو دی تے دیگر مرکزی وزیر بشمول امت شاہ، دھرمیندر پر دھان، اشونی ویشنو تے ڈاکٹر مانسکھ مانڈویا وی اس میٹنگ مانہ شرکت کر رہیا ہیں۔ اک سماجی میڈیا پوسٹ مانہ جناب مودی نے دسیو جے اج سویرے انہاں نے گورنراں غی کانفرنس مانہ شرکت کی بے۔ جناب مودی نے کہیو جے یوہ اک اہم فورم بے جس مانہ انہاں نے تبادلہ خیال کیو بے جے گو رنر کس طرح ترقی نانہ فروغ دے سکیں اور معاشرہ غی خدمت کسی طرح کر سکیں۔ نیتی آيو گ غا نائب چیر مین تے وزیر اعظم دفتر غا دوجا اعلیٰ افسراں تون علاوہ اندرونی معاملات با رے وزارت غا کا بینہ سیکریٹریٹ وی اس میٹنگ مانہ شرکت کریں گا۔ اس کانفرنس کا ایجنڈا مانہ 3 فوجداری قوانین غا نفاذ، اعلیٰ تعلیمات مانہ تبدیلی، یونیورسٹیاں غی منظوری، توجومرکوز علاقہ غی ترقی جس طرح قبائلی علاقہ، خواہش مند اضلاع تے بلاکس سرحدی علاقہ غی ترقی، مائی بھارت، ایک بھارت سریشٹھ بھارت تے ”ایک پیڑ ماں کے نام“ وغیرہ شامل ہیں۔ اس تیں علاوہ ریاستاں مانہ مختلف مرکزی ایجنسیاں غے بشکار بہتر تال میل مانہ رابطہ تے گو رنراں غا کردار نانہ بدھانو وی اس ایجنڈا مانہ شامل بے۔

\*\*\*\*\*

### PM Agri Conference

وزیر اعظم نریندر مو دی کل نویں دہلی مانہ ذرعی ماہرین غی 32 ویں بین القوامی کانفرنس یعنی (آئی سی اے آئی) غو افتتاح کریں گا۔ تے بعد مانہ اجتماع سنگ خطاب کریں گا۔ اس سلسلہ مانہ یاہ سد سالہ کانفرنس اج تیں شروع ہو غے اس مہینہ غی 7 تاریخ

تک چلے گی۔ یاہ کا نفرنس بین القوامی ایسوسی ایشن آف ذرعی ماہرین غے زیر اہتمام 65 سال بعد بھارت مانہہ منعقد ہو رہی ہے۔ اس سال غی کانفرنس غو موضوع ہے ”پا نیدار ذرعی خوراک نظام غی طرف تبدیلی“۔ اس کا نفرنس غو مقصد ماحولیاتی تبدیلیاں، قدرتی وسائل، بدھتی وی پیداواری لاگت تے تنازعات جیسا عالمی درپیش مسئلاں غو سامنو کرتاں واں پانیدار ذراعت غی اہم ضروریات تیں نمڑنو ہے۔ یاہ کا نفرنس عالمی ذرعی درپیش مسئلاں بارے بھارت غی فعال نقطہ نظر نانہہ اچاگر کر غے ذرعی تحقیق تے پالیسیاں مانہہ مُلک غی ترقی نانہہ ظاہر کرے گی۔ نوجوان تحقیق کار تے سرکردہ پیشہ ور افراد واسطے آئی سی اے ای 2024 ایک پلیٹ فارم غا طور ور کم کرے گی۔ اس غو مقصد تحقیقی اداراں تے یونیوسٹیاں غے بشکار شراکت داری نانہہ مضبوط کرنو، قومی تے عالمی پیمانہ ور پالیسی سازی ور اثر انداز ہونا، ڈیجیٹل ذراعت تے پانیدار ذرعی خوراک غا نظام مانہہ ترقی سمیت بھارت غی ذرعی ترقی نانہہ ظاہر کرنو ہے۔ اس کا نفرنس مانہہ لگ بھگ 75 ممالک تیں تقریباً 1 ہزار مندو بین شرکت کریں گا۔

\*\*\*\*\*

## PM Pingali

وزیر اعظم نریندرمودی نے اج قومی ترنگا نانہہ ڈیزائن کرن آلا تے آزادی غی جدوجہد مانہہ حصہ دار پننگلی وینکیا نانہہ اُن گا جنم تہاڑا ور یاد کیو ہے۔ اک سماجی میڈیا پوسٹ مانہہ وزیر اعظم نے کہیو کہ قوم نانہہ ترنگو دین مانہہ پننگلی وینکیا غی کوششاں نانہہ ہمیشہ یاد رکھیو جائے گو۔ وزیر اعظم نے لوکاں نانہہ ہر کہر ترنگا مہم غی حمایت کرن تے اس مہینہ غی 9 تے 15 تاریخ غے بشکار ترنگا لہران غی اپیل کی۔ اس سلسلہ مانہہ اُنہاں نے لوکاں نانہہ کہیو کہ وے اپنی سیلفی ترنگا سنگ پورٹل ہر گھر ترنگا ڈاٹ کام ور سانجھی کریں۔

\*\*\*\*\*

## LS AIMS

حکومت نے اج کہیو ہے کہ وے مُلک غا مختلف حصاں مانہہ قائم آل انڈیا انسٹی ٹیوٹ آف میڈیکل سائنس یعنی ایمز غا معیار نانہہ برقرار رکھ غے بہترین ڈاکٹراں نانہہ تیار کرن غی کوشش کی جارہی ہے۔ تے اس طرح ان اداراں مانہہ عملہ غی بڑبو تری مانہہ کجھ دیر لگے گی۔ اج لوک سبھا مانہہ وقفہ سوالات غے دوران جواب دیتاں واں صحت غا وزیر جگت پرکاش نڈا نے کہیو کہ وزیر اعظم نریندرمودی نے دُنیا غا بہترین صحت دیکھ بھال غا نظام غے نال مُلک غا ہر خطہ مانہہ 17 تیں متا ایمز کھولن غی کوشش کی ہے۔ وزیر صحت غو کہنو تھو کہ مہارو نظریو مُلک غا کونا کونا تیں لوکاں نانہہ اپنا علاج واسطے دہلی در نہ آنو پے تے لوکاں غی درپیش مشکلاتاں نانہہ کرن بارے ایمز جیسی سہولیات دتی گئی ہیں۔

\*\*\*\*\*

## Pardhan SC

وزیر تعلیم دھرمیندر پر دھان نے کہیو ہے جے انڈر گریجوٹ نیٹ امتحان مانہہ نظامی خلاف ورزی نہ ہون ور عدالت عظمیٰ غو فیصلو دربارہ امتحان نانہہ کرایا جان بارے سرکاری گا موقف غی تصدیق کر رہیو ہے۔ اک سماجی میڈیا پوسٹ مانہہ وزیر موصوف نے کہیو جے سرکار صاف و شفاف تے بغیر کسے سمجھوتہ غے امتحان کران واسطے پُر عزم ہے۔ اُنہاں نے مزید کہیو جے اس گل نانہہ یقینی بنان واسطے سرکار ماہرین غی اعلیٰ سطحی کمیٹی غی طرفوں سفارشات پیش کرن توں بعد جلد عملوے گی۔ جناب پر

دھان نے لکھاں محنتی طلباء نانہہ انصاف غی فراہمی تے تحفظ ور عدالت عظمیٰ غو  
شکریو ادا کیو۔ اُن غو مزید کہنو تھو جے سرکار عدالتِ عظمیٰ غو فیصلو حقیقی معنی مانہہ  
نافظ کرے گی۔  
\*\*\*\*\*

## RS Bullet Train

مرکزی ریلوے وزیر اشونی ویشنو نے کہیو ہے جے بُلٹ ٹرین پروجیکٹ ور کم تیزی نال  
جاری ہے تے اس ضمن مانہہ 320 کلو میٹر رستو مکمل کر ليو گیو ہے۔ اج راجیہ سبھا  
مانہہ اک سوال غا جواب مانہہ وزیر موصوف نے کہیو جے احمد آباد تے ممبئی بشکار  
پہلی بُلٹ ٹرین غا پروجیکٹ ور کم جاپان غی شراکت داری سنگ جاری ہے۔  
\*\*\*\*\*

یہ خبر تم آکا شوانی جموں تیں سن رہیا ہیں خبراں غا باقی حصہ نال محبوب سلطانی۔

## CS NHLML

چیف سیکریٹری اتل ڈلو نے اج قومی شاہراہ مجموعی انتظامی لمیٹڈ این ایچ ایل ایم ایل  
غی اک میٹنگ منعقد کر غے یو ٹی جموں کشمیر مانہہ پروت مالا غے تحت شروع کیا  
جان آلا پروجیکٹاں ور ہون آلی پیش رفت غو جائزو ليو۔ اس میٹنگ غے دوران چیف  
سیکریٹری نے این ایل ایم ایل غی طرفوں جموں کشمیر غا بکھ بکھ سیاحتی مقامات ور  
روپ وے پروجیکٹاں غی تعمیر غا سلسلہ مانہہ پیش رفت بارے رپورٹاں غو جائزو ليو۔  
جناب ڈلو نے زور پاتاں وان کہیو جے ان پروجیکٹاں غا کماں مانہہ تیزی آنی جا ئے۔ انہاں  
نے متعلقہ محکماں بشکار تال میل بارے وی کہیو تا نجے بکھ بکھ محکماں بشکار  
پیش کرن آلی دقتاں نانہہ بہتر تال میل سنگ حل کیو جا سکے۔ انہاں نے سانہہ مانہہ کثیر  
جہتی مجموعی پارک تیں علا وہ کٹڑا جموں مانہہ عوامی نقل و حرکت واسطے بنایا جان  
آلا ٹرمینل مانہہ ترقی غا عمل نانہہ مزید تیز کرن ور زور پایو۔ اس میٹنگ مانہہ بنیا دی  
مسائل اور ان غا مسائل بارے تفصیلی جانکاری وی فراہم کی گئی۔ 18 روپ وے پروجیکٹاں  
غا منصوباں مانہہ 3 واسطے داخلی رپورٹ تیار کر لی گئی ہے تے مزید 3 پروجیکٹاں ور  
گل بات جاری ہے۔  
\*\*\*\*\*

## ST GST

اسٹیٹ ٹیکس انتظامیہ تے انفورس منٹ جموں غی اڈیشنل کمشنر نمریتا ڈوگرہ نے اج  
ٹیکس دہندگان نانہہ جعلی یا ہ اک تیں متا قیو آر کو ڈ استعمال کر غے فروخت نانہہ دہان  
غو مظاہرو کرن آلا دھوکے بازاراں تیں خبردار کیو ہے۔ اس سلسلہ مانہہ انہاں نے ڈیلراں  
ور وی زور پایو کہ وے بروقت اطلاع تے مواصلات حاصل کرن بارے جی ایس ٹی  
اندراج حاصل کر غے فون نمبر تے ای میل جیسا اپنا اسناد غو استعمال کریں۔ اس ضمن مانہہ  
نمرتا ڈوگرہ نے اس سال جون غی ختم ہوئی مالی سال 25/2024 غی پہلی سہ ماہی  
غی مالی حالت غو جائزو ليو تے باقی 3 سہ ماہی غی محصولات غی دلیل بارے حکمت  
عملی واضع کی۔ اس سلسلہ مانہہ انہاں نے 100 فیصد ریٹرن پھرن ور زور دتو۔ تے  
ڈیلراں نانہہ ہدایت جاری کی کہ وے 99 عشاریہ 99 فیصد آخری تاریخ تیں پہلاں اپنی  
فائل ریٹرن کریں۔ یاہ میٹنگ کمشنر اسسٹنٹ ٹیکس جموں کشمیر پی کے بھٹ غا

## "know Your dealer"

اقدام غے تحت شروع کی گئی جس غو آغاز ٹیکس دہندگان غے نال سرکل لیول غا افسراں  
غا رابطہ نانہہ بدھان بارے کی گئی تا نجے ان غی خامیاں نانہہ جاتیو جا سکے۔

\*\*\*\*\*

## SDG BSF

سرحدی حفاظتی فوج غا خصوصی ڈائریکٹر جنرل وائی بی کھرانہ اپنا 2 روزہ جموں کشمیر غا دورہ واسطے اج جموں پُج گیا ہیں۔ اس ضمن مانہ انہاں ناہہ یوٹی جموں کشمیر مانہ موجودہ حفاظتی صورتحال بارے تفصیلی جانکاری فراہم کی گئی ہے۔ بی ایس ایف غا خصوصی ڈائریکٹر جنرل نے اپنو فرض نبھارہا فوجیاں غی لگن تے پیشہ وارانہ مہارت غی تعریف وی کی۔ مہارا آکا شوانی جموں غا نامہ نگار نے خبر ٹوری ہے جے بی ایس ایف غا خصوصی ڈائریکٹر جنرل غو استقبال انسپکٹر جنرل ڈی کے بُرا تے جموں فرنٹئر غا دیگر اعلیٰ افسراں نے کیو۔ انہاں نے آئی جی بی ایس ایف جموں، آئی جی بی ایس ایف کشمیر تے جموں سرحد گا دوجا اعلیٰ افسراں سنگ حفاظتی جائزہ میٹنگ غی صدارت وی کی۔ اس میٹنگ مانہ جموں خطہ غی حفاظتی صورتحال ور توجہ مرکوز کی گئی۔ جس مانہ بین القوامی سرحد گا اس پار توں دراندازی غا خطہ تے دیگر اہم معاملات ور تفصیلی گل بات کی گئی۔

\*\*\*\*\*

## LS ICMR

بھارتی کونسل برائے طبی تحقیق آئی سی ایم آر ناہہ کو ویکسین مشترکہ طور ور تیار کرن بارے بھارت با یوٹیک بین القوامی لمیٹڈ غی طرفوں 172 کروڑ روپیا دتا گیا ہیں۔ اج لوک سبھا مانہ اک سوال غا جواب مانہ مرکزی وزیر صحت جگت پرکاش نڈا نے کہیو جے کو ویکسین غا پٹینٹ ناہہ داخل کران غے دوران آئی سی ایم آر غو ناں شریک ایجاد کار تے شریک مالک غے طور ور نہ بان ور حکومت غا اعتراض توں بعد بھارت با یوٹیک بین القوامی لمیٹڈ نے اپنی غلطی قبول کی ہے۔ تے ہون آئی سی ایم آر ویرالوجی غو قومی ادارہ تے 3 سائنسدان کو ویکسین غا شریک مالک تے شریک ایجاد کار وین گا۔ انہاں نے ایوان ناہہ دسیو جے ملک نے ویکسین میتری غے تحت کو ویکسین 7 ملکاں ناہہ دتی ہے۔

\*\*\*\*\*

## GDC Kathua

سرکاری ڈگری کالج مہان پور غا تدریسی سال 25/2024 مانہ پہلا سائنس غا مضامین الاٹ کیا گیا ہیں۔ اس سلسلہ مانہ مرکزی زیر انتظام جموں کشمیر مانہ اعلیٰ تعلیم نے کالج مہان پور مانہ سائنس اسٹریم مانہ دو بڑا مضامین یعنی فزیکس تے کمسٹری شروع کرن غی اجازت دتی ہے۔ کالج غی پرنسپل نے مہارا ضلع نامہ نگار سنگ گل کرتاں واں اس طرح دسیو۔۔۔ بانٹ۔۔۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔